

ادبیات کمونیستی

هفته‌ای سیاسی، علمی و ادبی غزته در

جلد: ۲

سنه: ۲ ۲۲ صفر ۱۳۳۶ جمعه ایرتسی ۸ کانون اول ۱۹۱۷ نومرو ۱۴—۴۵

اجمال افکار

[بولشویون افندی] و عالم افکار ترتیب سهولاری و طبع یا کاشفکاری —

بایمور، ایتک، ایتک مصدرلری .

روسیه ده عظیم و آلم بر اختلال و انقلاب اولیور . بونی ساده‌جه بر «وقعه سیاسی» عد ایدنلر هر حالده یا کیلیرلر . خایر ! [بولشه‌ویق] لرك خروج و عصیانی منحصرأ بر پولیتیکه جلوه‌سی، برفرقه‌نك دیکرینی بیقیمه‌سی دکلدنر . بونك فکر و نظریه‌یه ده تعلق و ار . بو انقلابده ، واقعا ، طوغزیدن طوغری به سائق، حرب و آنك تولید ایتدیکی نوعانوع و کونا کون محرومیتلر، ضرورتلردنر . لکن برده طولایبسیله ، بطی ، حتی تحت‌التراب سائق واردر که اوده ، الحق و لاشک ، روسیه‌ده بر عصردن بری حاصل و حادث اولان ذهنیت - دو قوتور عبدها جو دتک بولدینی کوزل بر کله موجبنجه - «قفا» در .

روسیه استبدادک اوز وطنی ایدی . دولت ، غیر طبیعی ، قرون وسطائی و آسیائی بر شکلده قورولشدی . ماهیتی فتح و استیلادن بشقه بر شی دکلدی . مجهولاتدن اولدینی اوزره بو ماهیتده اولان هیأتک حیاتی آنجق استیلالری ابله دائم و قائمدر . دور استیلا هر نه صورتله اولورسه اولسون - بر کره قاباندقدن صکره هنگام انحطاط یواش یواش ویا عجمالتله باشلايه بیلیر . ایشته ، موسقوف دیارنده درشت ، خشین اداره اصوللری تطبیق ایتک لازم کلیردی که بو قوص قوجه «انپه‌زیئالیزم» یاشایه بیلسون . بناء علیه استبداد و مطلقیت، بیوک برهنر و مهارتله روسیه‌ده تطبیق اولنیوردی . یالکیز بو استبداد هر وقت کیفی دکلدی . بعضاده عادل و عاقل شیکنی آلیوردی . ایشته ، بو اداره ، داخلده بر عکس‌العملی موجب اولدی . هر ستمدیده‌نك، هر حراندیشک حسیاتی غلیبانه کلنیوردی . فکرلر افراطه اوغرادی . الکیزیل سوسیالیستلر، الک‌آرغین [آنارشویستلر] ،

مصدری کمال اسرافله قوللابیورز . بو ، فضولیدر . Faire ماده سنی بعضاً « ایتک = ایلک » ، نادرآده « یایمقی » لفظلری ایله افاده ایتک لسانک عنعنه و شیوه فصاحتنه موافقدر . غزته لیده هرکون کورولدیکی اوزره « سیاحت یایمقی » ، « تجارت یایمقی » ، « هجوم یایمقی » ، « تشبث یایمقی » ، « طوغری دکلدیر - سیاحت ایدیلر ، تجارت ایدیلر ؛ هجوم ایدیلر ، تشبث ایدیلر ؛ یاپیلماز . بالخاصه بو یایمقی مصدرینک سوء استعماله اوغزادله سی ترکیجه ضری ، یهودیلرک اسپانیولجه ویا آلمانجه بی - ییدیش - کبی بر Jargon حالنه افراغ ایتک قابلیتنی حائزدر . محررلر چاله قلم یازیورلر . تأسف اولنورکه ادباده ، آز چوق ، بو جنجه لره مسامحه ایدیورلر . بویله کیدرسه کلهجک سنه بانیوآلق ، جام آلمقی ، ترام آلمقی کبی غریبه لری ده شعرای زمانه نك طنینه لرنده کوره جکیز . الله اسپرکه سون . بر نقطه ده : « ایلک » مصدری یواش یواش لسان تکلمدن چیتیور . « ایتک » وارکن « ایلک » ک استعمالی ناجادیر ؛ تکرره مانع اولمق ایچون ، اوده نادراً ، « ایتک » مقامنده قوللابیه بیلر . ایشته او قدر .

تورکک منشانه وائر

یونانی [سترابونه] ک جغرافیاسنده اسکی تورککله وائر وئالوه تاریخی

[کچن نسخه دن مابعد]

یونانیلر کندی لسانلرنجه سکیتلره بونلرک صورت تعیشلرینه نظراً بعض اسملر ویزمش اولدقلری کبی بر طاقم سکیت اقوام و قبائلک اسم مخصوصلرینی دخی آز ویا جوق تغییر ایله یه رک محافظه ایله مشلردر . مثلاً آت آتی اکل ایدن سکیتلره (اسب خوار) ، باشایجه سود ، پنبیر و خصوصیه اکنیمش قیصراق سونی ایله تعیش ایدنلره (شیرخوار) ، آرابه لرینی خانه مقامنده قوللابیور کجه ده « قانیقلی » تسمیه اولونانلره (آر به لی) ، یوروک و بدوی اولانلره (کوچیه) و ذراعتله مشغول اولانلره (ذراع) معنایینی افاده ایدن یونانی ترکیبلری علم اوله رقی استعمال ایله مشلردر .

سکیتلرک ملل سائر هیه ایراث ایله دکاری خوف و دهشتی ایما ایله مک اوزره بعضی سکیتلرک هر دمنخوار اولدقلری متواتر ایدی ؛ فقط بو اسنادک بی اصل و اساس اولدیغنی سترابون بیان ایتکله برابر بویله بر وحشتک « کلت » لره Celtes [فرانسزلرک اجدادی اولان غالاتلر] و « ایبه ر » لره Iberes [اسپانیانک اک قدیم اها الیمی] دخی اسناد اولدیغنی علاوه ایلر . [کتاب ۱ صحیفه ۲۳۳]

مؤلف سکیتلرک عادات و اخلاقندن بحث ایدر اینکن دائماً بونلر ایله برابر « کلتلر » و « ایبه ر » لری دخی ذکر ایله یه رک جمله سنک عین اخلاقده اولدیغنی تصریح ایلرکه بو خصوص پک جالب دقتدر . یوملتلرده بعضاً وحشت درجه سنه واران قریط شجاعت و بسالتی کوسترمک ایچون سترابون اسپانیا قطع سندله شمالی ایبرلردن اولان « قانتابر » لرک Cantabres رومالیلر ایله ایله دکاری بر محاربه ده قادینلرک چوجوقلرینی رومالیلرک اینه دوشورمه مک ایچون کندی ایلر ایله تلف ایتدکارینی و دیگر

بر محاربه ده دخی پدربله والده سی و قرداشلرینی زنجیر اسارتده باغلی کورن بر ازکک چوجو غک پدردن آلدینی امر اوزرینه اینه کچن بر دمیر بارچه سیله آنلرک جمله سی اولدوردیکی حکایه ایلر [کتاب ۱ صحیفه ۲۷۰].

سترابون دیرکه: « یوروک سکیتر طبعاً محارب و جنگاور اولدقلری حالده شقاوتدن حظا ایتزلر و ابر محاربه بی انجق مطلوبلری اولان مکلفات و عائداتی تحصیل ایچون مجبور اولدقلری زمان یا پارلر. آنلر اراضیلرینی کندیلری زراعت اتمه یوب زراعت اتمکی آرزو ایدنلر ترک ایدرلر و بونلردن بک جزئی عائدات آلرلر و بو عائداتی ده کندی احتیاجات یومیله رینه کوره حساب ایدرک عادلانه بر صورتده تعیین و تحدید ایدرلر. » [کتاب ۲ صحیفه ۴۰].

اک قدیم زمانلردن بری بر تورکک مرکزی اولان اوروپا قطع سنک جنوب شرقی جهته یونانلر « کوچوک سکیتیا » نامی ویررلر ایدی. بو کیفیتک بزم ایچون اهمیت فوق العاده سنه مبنی بو باندی سترابونک جغرافیا سنده موجود اولان معلومات اساسیه بروجه زیر درج اولونور:

(آزاق ده کیزی) و (قریم شبه جزیره سی) ایله اطراف و حوالی واسعه سی اصل (کوچوک سکیتیا) بی تشکیل ایدر ایدی. بو اولکه نیک جهت جنوبیه سنده (طور) Taure تسمیه اولونان سکیتر اسکان ایلر ایدی. بونک ایچون قریم شبه جزیره سنه حالا اوروپا لیلر (طور شبه جزیره سی) Guesqu ide Taurique نامی ویررلر. کوچوک سکیتیا نیک جهت جنوبیه سنده ساکن اولان سکیتر اکثریتیه زراع و جهت شمالیه سنده ساکن اولان کوچیه ایدیلر. فقط خطه مذکور مؤخره سکیترک فتوحاتیه توسع ایله یه رک بالاخره (کوچوک سکیتیا) نامک (تیراس) Tyras [یعنی دینیستر] و (ایستر) Ister [یعنی طونه] نهرلری داخل اولدینی حالده شرقی بالقانلرده کاش (تراکیا) La Thrace [یعنی روم ایلی شرقی] نیک قسم اعظمه قدر متمد اولان اراضی جسیمه یه شمولی اولش ایدی. [کتاب ۲ صحیفه ۳۹].

مقاله مزک بدایتنده ویریان ایضاحاتدن اکلاشیاه جنی اوزره برزاده ذکر اولونان (طور) کله سیاه (طورق) ویا (تورک) کله سنک عین معنای افاده ایتدکلری شبه سزدر.

سترابون ینه دیرکه: « (اوسر) Homère اشعارنده اوروپا (میسین) لری Myssiens ایله برابر (ایستر) [طونه] Ister نهری سواحلیله (تراکیا) ده الان ساکن اولان سکیت اقوامی اسملرینی ذکر ایدرکه بونلر میاننده (کلت) لر Celtes [فرانسلرک اجدادی اولان غلاقلر] دخی بولنور. » [کتاب ۲ صحیفه ۱۴].

کذا: (ایلییریا) Illyrie قطع سی (آدریانیک) ده کیزی جهته ده بولونوب سکیتر ایله کلتلرک اراضی سی حاوی اولان (تراکیا) ایسه مقابل جهته بولونه رق (پروپونتید) Propontide [یعنی مارماره ده کیزی] و (الیسپون) Hellepont [یعنی چناق قلعه بوغازی] قدر متمد اولور. » [کتاب ۲ صحیفه ۴۴].

معلومات تاریخیه مذکوره دن مستبان اولدینی اوزره اسکی تورکلرک (اوسر) ک عصرندن مقدم یعنی لاقل اوچیک سنه دنبری طونه بوینده و روم ایلی شرقی جهتلرنده ساکن اولش اولدقلری اکلاشیایرکه او زمانلر بو حوالیده نه بولخارلر و نه ده اسلاولردن اثر بیله یوق ایدی.

آثار یونانیه نظرأ (اوروپا سکیتیاسی) یعنی (کوچوک سکیتیا) نیک حدودی بو صورتله اراهه ایله کدن صوکره شمعی ده عینی آثاره نظرأ (آسیا سکیتیاسی) یعنی (بویوک و شرقی سکیتیا) نیک حدودینی تعیین ایله مک ایجاب ایدر.

بالجمله مؤلفین یونانیہ ایله سترابونہ نظرا اول اصرده آسیا قطعہ سنک بوتون قسم شمالیسنک بکنہ قدیمہ و اصلیمہ سنی سکیتر اولدینی و بناءً علیہ عموم سکیتیانک شمالاً بحر محیط شمالی ایله محدود بولندینی تظاهر ایدر [کتاب ۲ صحیفه ۴۲۵] .

سترابون دیرکه : « (توروس) Taurus سلسله جبالی غربدن شرقه دوغری تمتد اوله رق بر قوشاقی شکلده آسیا قطعہ سنی وسطندن ایکی یه بولر و بو صورتله بری شمالی و دیگر جونی اولاق اوزره ایکی مختلف قسم وجوده کتیریر . بو قسملره یونانیلر (توروسک بزی طرفی ، اویک طرفی) cis - taurique و (توروسک اوتہ طرفی ، آرقہ طرفی) trans - taurique ناملری ویریلر . بو سلسله جبالک عرضی اکثر نقاطده ۳۰۰۰ (ستاد) Stades اولوب طولنه کلنجه بو بعد و منافه (ردوس) آطه سنک قارشینده آسیا ساحلندن باشلا یه رق هندستان ایله سکیتیانک اقصای شرقنه قدر آسیا قطعہ سنک کندی طولندن عبارت بولور . » [کتاب ۲ صحیفه ۳۸۷] .

(توروس) Taurus ، Tauros علمینک نہایتندہ کی لفظ لاتین و یونان لسانلرینہ مخصوص اولان برفظ زائد اولدیغندن بولاخته حذف اولدقدہ تورکجه (طاغ) مناسبه اولان (طور ، تور) tor کلمہ سی قالیرکه قدیم جغرافیای علملرینک اکثریتله و بو صورتله کلمات ترکیه دن عبارت اولدینی بک چوق کورولور .

قدیم یونانیلرک استعمال ایلمش اولدقلى (توروس) اسم خاصنک (قافقاس) سلسله جبالیه (شمالیا) سلسله جبالنه دخی شمولى وار ایدی . بالاده بیان اولندینی اوزره (قاف) اسمی اولجه توران طاغلرینہ مخصوص اولدینی حالده بعدہ شمیلیکی قافقاس طاغلرینہ بواسمی یونانیلر ویرمشدر .

دیگر : « آسیا قطعہ سنی ایکی یه تقسیم ایدن (توروس) سلسله جبالی (پامفیلیا) Pamphylie [یعنی اظالیه] طاغلرندن باشلا یه رق هندستان و سکیتیای قطعہ لرینی تحدید ایدن (شرق ده کیزی) نه [یعنی بحر محیط هندی ایله بحر محیط کبیره] قدر تمتد اولور . » [کتاب ۱ صحیفه ۱۰۶] .

دیگر : « (توروس) سلسله جبالی بوتون آسیا قطعہ سنی قطع ایله یه رک هندستان ایله سکیتیای آراسندن (شرق ده کیزی) نه منتهی اولور . » [کتاب ۱ صحیفه ۱۹۳] .

بو عبارتله لرده ذکر اولنوب شرقاً سکیتیای تحدید ایدن (شرق ده کیزی) شبهه سز قدیم تاتارستانی شرقاً تحدید ایدن ده کیز یعنی بحر محیط کبیردر .

کذا : « (شرقی سکیتلر) [یعنی آسیا سکیتلری] نامیله یاد اولونان قبائل مختلفه بحر خزر دن (شرق ده کیزی) سواحنه و هندستان حدودینہ قدر تمتد اولان اراضیده سا کندرلر . » [کتاب ۱ صحیفه ۱۸۷ ؛ کتاب ۲ صحیفه ۳۸۷ ، ۴۷۹ ، ۴۲۵ ، ۴۴۱] .

معلومات مسروده دن (آسیا سکیتیای) نک شرقاً بحر محیط کبیر ، غرباً بحر خزر و جنوب شرقی جهتندن هندستان ایله محدود اولدینی اکلشیلیر . سترابونک جلد اول و ۲۱۰ نجی صحیفه سمندہ بحر خزر ایله قره ده کیز بینده دخی سکیتلرک ساکن اولدقلى بحر اولدیغنه نظراً قطعہ مذکورہ نک جنوب غربی جهتندن قافقاسیه سلسله جبالیه محدود اولدینی نمایان اولور . قالدی که بحر خزر ایله هندستان آراسنده یعنی عجمستان جهتندہ کی حدود جنوبیه صورت قطعیه و واضحده آراءه و تحدید ایلمه مش اولدیغندن بوجهتندن بعدہ بحث اولنه جقدر .

متقاعد ارکان حربیه فریتی